

მეუფე იაკობი – ვინც ძლიერები ვართ, სუსტებს რაღაცები ვაპატიოთ, თუ ისევ წამოყვეს თავები, მერე იმ თავებსაც მიეხედებათ



ვინც ძლიერები ვართ იმ სუსტებს რაღაცები ვაპატიოთ, თუ ისევ წამოყვეს თავები, მერე იმ თავებსაც მიეხედებათ“, – ამის შესახებ ბოდბელმა მიტროპოლიტმა მეუფე იაკობმა ვაქირის წმინდა იოანე ნათლისმცემლის სახელობის ტაძარში ქადაგებისას განაცხადა.

მეუფე იაკობმა ქადაგებისას პოლიტიკოსებს მოუწოდა არჩევნების მოახლოვებასთან ერთად სიტუაციას ნუ დაძაბავენ.

„კიდევ ერთხელ მინდა ვთხოვო ჩვენს პოლიტიკოსებს, არჩევნები ახლოვდება და ნუ ძაბავენ ერთმანეთში ურთიერთობებს და ხალხსაც ნუ ყოფენ. არ შეიძლება, ხალხო, ჩვენ რომ გავიყოთ, ჩვენ ერთობა თუ არ გვქონდა, შანსი არ არის, ვერავინ ვერ გვიშველის.

ძალა არ არის საქართველოში დაყოფილზე უშველოს ვინმეს რამე. ერთობა თუ გვექნება, ხო, გვინდა არ გვინდა უნდა გავერთიანდეთ. როგორ? მაგის გამო დავჯდეთ და დავილაპარაკოთ, როგორ უნდა გავერთიანდეთ.

ეროვნული იდეოლოგია რომ არა აქვს ერს, დღევანდლამდე 30 წელია

დამოუკიდებლები ვართ. ერთი მთავრობა არ ყოფილა, პირველი ხელისუფლება იყო და უცბად ჩამოაგდეს, დანარჩენ მთავრობებში ხომ სულ მართო ის არის, მტრის სახე შექმნან, იმას ვებრძვით და საქართველოს ვამარცხებთ საბოლოო ჯამში, არ ვიმარჯვებთ. ამიტომ, მაგასაც სწორად შევხედოთ. იმიტომ, რომ თუ არ გავერთიანდით რაღაცაზე, ვინც ძლიერები ვართ იმ სუსტებს რაღაცები დღეს ვაპატიოთ და თუ ისევ წამოყვეს თავები, მერე იმ თავებსაც მიეხედებათ. გავაკეთოთ ისე, რომ ღმერთს ვანახოთ, რა”,-განაცხადა მეუფე იაკობმა.
